



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

6. Aliæ de beneficijs Dei.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

 PARS SEXTA.

Considerationes peregrinæ de beneficijs Dei, ad Meditationē accommodatissimæ, ad augendam Deuotionem opportunissimæ.

De beneficio Creationis.

1. **A**B æterno prædestinavit te Deus, & dilexit perpetua caritate; creavit te tempore, quo ei placuit; & inter nobilissimas creaturas te constituit, nō lapidem, aut aliud quid simile creans.
2. Impendit tibi corpus cum membrorum integritate, complexionis sufficienti bonitate, & sexus nobilitate, ad ei seruendam te aptum faciens: tribuit etiam tibi animam, creans eam ad imaginem, & similitudinem suam, sui capacem, immortalē, & exornatam multis virtutibus, & potentiis.
3. Dedit tibi Angelum custodem à tuæ conceptionis hora in utero matris tuæ, qui te custodiret, & multis beneficiis donaret.
4. Largitus est parentes Christianos, ex quibus nascereris Christianus, non Sarcenus, aut Iudæus, & bonos parentes, & in tempore fidei Christianæ.

s. Crea-

5. Creauit te ad gloriam, & sui fructio-
nem, & coelum, ignem, aërem, aquam, &
terram, & omnia, quæ in eis sunt ad tuum
vsum, non indigens ipse nec te, nec illis;
nec alio, quàm sua bonitate inuitatus, &
illectus.

De beneficio Gratificationis.

1. **G**ratificauit te in dilectissimo Filio
suo, nō parcens ei, sed largiens eum
tibi, in pretium, exemplū, & socium.
2. Dedit tibi Spiritum sanctum in signū
adoptionis, priuilegium dilectionis, & in
auxilium desponsationis, sua tibi commu-
nicans bona, fructus, & inspirationes.
3. Impendit tibi sacramenta; & primò san-
ctam Ecclesiam, vbi in diluuiō peccatorū,
sicut Noe in arca, posses saluari, donauit.
4. Abluit te Baptismate, in quo tibi in-
dulsit originalem culpam, restituit inno-
centiam, vocauit te suo nomine Christia-
num, in sui memoriam filium Dei, & hæ-
redem regni coelorum te constituit.

De beneficio vocationis.

1. **P**assus est te, licet post recepta bene-
ficia à Deo auersum, & per diuersa
scelera ad creaturas cōuersum; noluit

te in tali statu permanere, & damnare.

2. Te multifariam errantem sæpè reuocauit, modò per internas inspirationes, modò per aliorum admonitiones, quãdoque per Scripturæ sacræ exhortationes; & per suorum beneficiorũ largitiones, nonnunquàm per gloriæ & suppliciorũ ostensionem; & aliis multis modis.

3. Donauit te bona voluntate, quæ suorum munerum est principium, mentis tuę surditatem confregit, ardens desiderium proficiendi dedit, conuersionis obstacula repulit.

4. Quoties ad eum conuerti uoluisti, ad instar prodigi Euangelici paterno te recepit; gaudio, amplexando, de osculando, & primam stolam restituendo, & anulum.

5. Præter hæc, quod te pœnitentem recepit; de seculo fortassis te eduxit, sicut Loth de Sodomis, & Abraham de Chaldeis, Noe de diluuiò, & Ionam de utero ceti, & ventre lupi. Coniunxit te cõuentui bonorum, custodiens à conuentu malignantium.

De beneficio Iustificationis.

M Vtauit voluntatem tuam, vt opera pœnitentiæ, quæ tibi prius erant amara, fieret dulcia; & quæ prius erant
dul-

dulcia, fierent amara: dando etiam tibi peccandi in hoc & in illo continentiam, quod est insigne donum.

2. Dedit tibi hactenus perseuerantiam, & constantiam, sine qua nemo saluatur; cum multi, qui melius inceperint, non perseuerauerint. Concessit quoque constantiam spem & gratiam, ne ab incepto desisteres, sed sperares veniam, gratiam, & gloriam te ab eo consecuturum, de hoc te certum quasi faciens diuersis modis internarum consolationum.

3. Tribuit tibi Sacramenta sui pretiosi corporis, & sanguinis in viaticum peregrinationis tuæ, in sacramentum vnionis, & in sacrificium redemptionis.

4. Exhibuit tibi sanctas scripturas tanquam speculum, vbi tuos defectus valeas contemplari, affectus inflammare, magis ac magis purgare, & illuminare, ac iustificare.

5. Tradidit ornamenta, & exercitia virtutum, quibus foeditatem tuorum peccatorum reperires, & non in iustificatione deficeres; sanctos tibi in exempla contulit, quibus accendaris, & instruaris.

De beneficio Gubernationis.

1. **C**onseruauit te in esse, dans tibi augmentum, & esse iucundum & sanum, cum ex te sis nihilum: te etiam conseruauit à tantis periculis, lāguoribus, hostibus, &c. adhæc subministravit tibi victum, alimentum, domum, &c.
2. Conseruauit propter te creaturas cæteras, ministrans successiones temporum, producēs diuersitatem florum, fructuum, &c. ad tollendum fastidium.
3. Te erexit non solum per prospera, sed etiam per aduersa, imò & circa te est ita sollicitè intendens, ac si ei non esset cura aliorum, & semper est tibi præsens, omnia opera tua prospiciens, mittitque semper Angelos suos miro ordine, qui te iuent, dirigant, &c.

De beneficijs Angel custodis, & hominis ingratitude.

Considera, quoties Angelū custodem tuis flagitijs offendisti,
 Quoties ille errātem ad viam salutis te reduxit
 Quot pericula ipsius ope, & charitate euasisti.
 Aliquando fortasse fuisses ab alio ex improuiso occisus.

In

In itineribus à latronibus, & aliis periculis
reseruauit.

In fluminibus, vel mari, ne submergere-
ris, tibi adfuit.

Quoties fecit, ne cibus, vel aër infectus tibi
obesseret.

Quoties ne equi calce, vel regulæ casu læ-
dereris.

Quoties spiritus fornicationis ab illo ex-
pulsus est.

Quoties, ne ira concitatus proximo nocer-
es, te cohibuit.

Quot laqueos demonum ipsius ope à pue-
ritia vitasti.

Quoties in peccato hærentem diabolus te
suffocasset, nisi prohibuisset.

Quando in peccatum incidisti, ad confes-
sionem te excitauit.

Bona consilia in dubiis continuò tibi sug-
gesserit.

Tua ingratitude offensus, te iuuare non
desijt.

Vide, quàm sis illi obligatus, & quam re-
feras gratiam.